

الشاعر محمد الساعى (مصر)



شاعر عامية

مدير الطبع والنشر والتوزيع بدار النيل والفرات

مدير عام إذاعة النيل والفرات أون لاين

صدر له أربعة دواوين شعرية

حاز لقب شاعر النيل والفرات عام 2017

حاز العديد من الجوائز والتكريمات فى مصر

نشر أشعاره فى العديد من الصحف والمجلات فى مصر والوطن العربى

له تحت الطبع عشرة دواوين شعرية

أنا المقتول .. وأنا القاتل

أنا المقتول ودمي ع الرصيف سايل
وأنا القاتل وايدي غرقانين بالدم
وأنا المسئول. وهاعدل بختك المايل
لكن .. لو مره أشلائي في يوم تتلم
صعبيه الضحكه في عيونك يابت الإيه
مافيش غير دمعه نَوَّاحه على حدودك
وليل الحزن مش عاوز يفارق ليه؟
كأنه سياج وداير شوك على حدودك
يا فايتاني مايبين التوهه والغرقه
رهينه لحلمك الغايب بقاله سنين
مافيش ويايا غير قلبي اللي داب حُرْقه
وشطر ف غنوه غضبانه .. واجيبه منين؟
مانيش جاحد ولا ناكر في يوم خيرك
لكني تعبت من تعبك ومن ضعفي
ولو هامشي / قوليلي ليا مين غيرك
ومين هايشيل حمولك انتي غير كتفي
خلاص مش باقي غير كلمه باقولها لك
رسمتك في الجبين دُرَّه بتاج النصر
وفرحة ف قلبي طول عمري شايلها لك
وروح تتمنى لو راحت وتفضل .. مصر

محمد الساعى